



Broj: 11-19/3-11-2-3147/24

Datum: 19.11.2024. godine

Na osnovu člana 43. i člana 45. stav 2. i stav 3. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2024. godini, v.d. direktor, donosi:

O D L U K U
**o izboru najpovoljnijeg drugorangiranog ponuđača u postupku
javne nabavke i isporuke deminerskih pancira i šljemova**

I

Poništava se Odluka o izboru najpovoljnijeg ponuđača u postupku Javne nabavke i isporuke deminerskih pancira i šljemova, broj: 11-19/3-11-2-3147/24 od 04.11.2024. godine, kojom se ugovor dodjeljuje ponuđaču „PATRIO“ d.o.o. Sarajevo, prema ponudi broj: 01-300/24 od 22.10.2024. godine, sa cijenom od 13.000,00 KM bez PDV-a, prema Izvještaju o toku i završetku e-Aukcije, broj: 1412-7-1-322/24 od 31.10.2024. godine, iz razloga što je ponuđač „PATRIO“ d.o.o. Sarajevo propustio da dostavi orginale ili ovjerene kopije dokumentacije iz člana 45. Zakona o javnim nabavkama BiH, što je u skladu sa članom 72. stav (3) tačka a).

II

Dodjeljuje se Ugovor drugorangiranom ponuđaču „**DANIAL'S**“ d.o.o. Tešanj za Javnu nabavku i isporuku deminerskih pancira i šljemova, prema Ponudi broj: IP 754/24 od 18.10.2024. godine, sa ponuđenom cijenom nakon provedene e-Aukcije, broj Izvještaja o toku i završetku e-Aukcije 1412-7-1-322/24 od 31.10.2024. godine, od **13.995,00 KM bez PDV**.

III

Obavezuje se ponuđač iz tačke II. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji, broj: 11-19-19/3-11-2-3147/24 od 04.10.2024. godine.

IV

Za izvršenje Odluke zadužuje se Sektor za finansije i javne nabavke Federalne uprave policije.

V

Ova Odluka objavit će se na internet stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Odluka stupa na snagu danom donošenja.

OBRAZLOŽENJE

Federalna uprava policije je provela konkurentski postupak Javne nabavke i isporuke deminerskih pancira i šljemova, broj Obavještenja o javnoj nabavci: 1412-7-1-322-3-149/24.

Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora javne nabavke i isporuke deminerskih pancira i šljemova iznosi 27.390,00 KM bez PDV.

Postupak je provela Komisija za provođenje konkurentskih i pregovaračkih postupaka nabavki u 2024. godini, broj Rješenja o imenovanju 09-19/1-30-2-15 od 04.01.2024. godine i Rješenje o izmjeni rješenja, broj: 11-11/4-30-2-15/24 od 18.09.2024. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg drugorangiranog ponuđača u postupku javne nabavke i isporuke deminerskih pancira i šljemova data u skladu sa Zakonom o javnim nabavkama i tenderskom dokumentacijom.

Komisija za provođenje konkurentskih i pregovaračkih postupaka nabavki u 2024. godini, je na sastanku održanom dana 19.11.2024. godine, konstatovala da je nakon provedene e-aukcije prvorangirani ponuđač „PATRIO“ d.o.o. Sarajevo sa konačnom ponudom cijenom u iznosu od 13.000,00 KM bez PDV-a bio dužan da u roku od 5 dana od dana zaprimanja obavještenja o rezultatima ovog postupka javne nabavke u skladu sa Tenderskom dokumentacijom dostavi popunjene i ovjerene dokaze (original ili ovjerene kopije) u svrhu dokazivanja lične sposobnosti, a u skladu sa tačkom 2. tenderske dokumentacije, što je isti propustio. S tim u vezi je Komisija Ugovornom organu predložila da se postupak Javne nabavke i isporuke deminerskih pancira i šljemova dodijeli drugorangiranom ponuđaču nakon provedene e-Aukcije, i to ponuđaču „DANIAL'S“ d.o.o. Tešanj sa ponudom cijenom od 13.995,00 KM bez PDV-a, odnosno 16.374,15 KM sa PDV-om.

Na osnovu navedenog, a u skladu sa članom 72. stav (3) tačka a) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) poništava se Odluka, broj: 11-19/3-11-2-3147/24 od 04.11.2024. godine i donosi se Odluka o izboru drugorangiranog ponuđača „DANIAL'S“ d.o.o. Tešanj za javnu nabavku i isporuku deminerskih pancira i šljemova, prema Ponudi broj: IP 754/24 od 18.10.2024. godine, i Izvještaju o toku i završetku e-Aukcije, broj: 1412-7-1-322/24 od 31.10.2024. godine sa cijenom ponude u iznosu od 13.995,00 KM bez PDV-a. Razmatrajući sve gore navedeno, v.d.direktor donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

Dostaviti:

- Sektor za mat. fin. Poslove
- u spis

V.D. DIREKTOR
(Načelnik SKP-a)
GLAVNI INSPEKTOR
Vahidin Munjić